

Besünnere Teken

Woans schrifft een eentlich richtig „Café“? Orr „Côte d’Azur“? Avers nich bloots dat Franzöösche maakt Malesch; ok „Fanø“ is nich ahn Probleme. Wi maakt us dor ran – un wi landt bi lustige Sünnerteken so as de Smiley ☺.

Dat Café an de Côte d’Azur

Akzente op Bookstaven maakt bi Word keen Probleme. Wüllt Se Café richtig schrieven, denn schrifft Se **C a f ´ e**. Se drückt de Tast mit den Akzent (glichs linkerhand blangen de Rücklöschstaste!) – nix passeert – un drückt de E-Taste – de Akzent landt op dat e!


Düsse Teken sünd nämli nich dorför dacht, dat se alleen stah, sünnern op Bookstaven. Dorüm tööv’t Word, bet de neegste Bookstaav drückt warrt, un sett dor denn den Akzent rop. Kümmt keen Bookstaav, sünnern en Leerteken – na, denn warrt even de Akzent alleen afbillt, sotosegen över en Leerteken sweven. Liekso is dat, wenn en Bookstaav folgt, op den partu keen Akzent sitten kann – bi de mehrsten Konsonanten t.B. as ´m un ´v. Dor sitt de Akzent denn vörn.

Ok de **Côte d’Azur** geiht licht. Dat lütte Dack för dat ô sitt baven linkerhand op de Tastaatur (blangen de Taste 1) un funscheneert jüst as dat ´. För dat **d’Azur** nehmt Se aver nich den Akzent, sünnern dat so nöömte Hoochkomma, dat blangen de **Enter**-Taste wahnt!

Nu hebbt Se links baven över dat lütte Dack den Kuller ° funnen un denkt, so kunnen Se nu ok **Århus** richtig schrieven? Denkste! Dat °-Teken is för Grad Celsius & Co. dacht (°C) un warrt alleen afbillt, nich över anner Bookstaven. Jüst so de Tilde ~ blangen de **Enter**-Tast. Ok **España** kannst so also nich schrieven! Man woans denn?


Symbole infögen

Allens, wat Se nich eenfach in den Text tippen köönt, kriegt Se över Menü **Einfügen** rin. För Symbole un Sünnerteken wählt Se **Einfügen | Symbol**.




De Dialog **Symbol** geiht apen. Wählt Se de Registerkoort **Symbole**. Dor stekt veel mehr Tekenen binn, as Se hier seht!

- Mit den Rullbalken **A** kaamt Se dör alle Tekenen vun en Schriftart,
- mit de Liste vun de Schriftarten **B**, de sülvten wedder en Rullbalken hett, kaamt Se an all de annern Schriften.



Wüllt Se nu **Århus** schrieven, denn blädert Se Sie in de Schriftartenliste ganz na baven na den Indrag **(normaler Text)**. Hier giffit dat dat **À** un ok dat **ø** för **Fanø**. Mit den Knoop **Einfügen** bringt Se dat Tekenen in den Text. Dann landt denn dor, 'neem de Schrievmarke steiht. De Dialog blifft dorna noch apen; Word denkt, Se wüllt villicht noch wat infögen. Wenn nich, seggt Se **Schließen**.

Greeksche Tekenen so as dat Symbol för de Krinktall π kaamt ut de Schriftart **Symbol**. In elk Schriftart giffit dat veel mehr as de Tekenen, de toerst to sehn sünd – brukt Se den Rullbalken an de rechte Siet!



Intressant sünd ok de Symbolschriftarten **Webdings** un **Wingdings 1, 2** un **3**. Se sitt teemlich an't Enn vun de Schriftartenliste. Hier kriggt Se den Smiley ☺ un all sin Maten. Bruukt Se ok hier wedder den Rullbalken in elk Schriftart!

Düsse Schriftarten sünd bloots för düssen Dialog maakt; nüms wöör Text in Wingdings tippen, nich?

Löscht Se doch nu de Bookstaven **Te1**. in Ehn Breefkopp un föögt Se staats dat en Telefoon-Symbol in!

Ünnersöckt Se noch de tweete Registerkoort vun den Dialog **Symbol**. Se heet **Sonderzeichen**. Dor kriegt Se lange Gedankenstriche un dat Copyright-Tekenen usw. För mennig vun düsse Tekenen hett Word Afkörtten! Tippt Se mal düt in: Klammer apen, C, Klammer to, Leertekenen. Mit beten Glück wannelt Word dat automaatsch üm! Jüst so de Ingaav :- (Dupelpunkt, Minus, Klammer to). Wat warrt denn dor ut...?

Mina-Katharina Muster
Kornblumenweg 23 a
12345 Beispielhausen
☎ 01020304/9080706

Löschen...?

Sünnerteken un Symbole behandelt Se as ganz normale Bookstaven! Se löscht ehr op desülvige Wies as en Bookstaven: mit de Rücklöschtast orr mit de **Entf**-Tast.

Se köönt Symbole un Sünnerteken ok as normale Tekene formateern! Wat dat is un woans dat geiht, kümmt in't neegste Kapittel. Dor lehr Se denn ok, woans Se so en reesenhaftes rodes Telefoon mit Slagsiet in'n Konfettiregen tostann bringt.

Mina-Katharina Muster
Kornblumenweg 23 a
12345 Beispielhausen



01020304/9080706